

**Rapport dalla sessiun dil cussegl da vischnaunca dils 11-12-2012
en la casa pervenda da Schlans local da “Sentupada”**

Tractanda 1 **Approbaziun dil protocol dalla sessiun dils 13-11-2012**

Il protocol dalla sessiun dils 13-11-2012 vegn approbaus en votaziun unanima cun engraziament.

Tractanda 2 **Elecziun dil biro dil cussegl**

Per igl onn d’uffeci 2013 vegnan las suandontas persunas elegidas:

- a) President dil cussegl:
Flurin Decurtins
- b) Vicepresident dil cussegl:
Rico Schwarz
- c) 2 dumbravuschs
Patrizia Bosshard-Trento
Marcus Steiner
- d) 2 suppleants da dumbravuschs:
Annamaria Pfister-Casanova
Letizia Rensch-Tomaschett
- e) Protocollist:
Plazi Decurtins

Tractanda 3 **Lescha davart igl allontanament e la purificaziun dallas auas**

La lescha davart la protecziun dallas auas da confederaziun e cantun ei ida igl onn 1997 en vigur. Igl ei vegniu dau allas vischnauncas in termin da 5 onns per adattar las leschas communalas allas pretensiuns dalla lescha surordinada. Quei termin ei spiraus igl onn 2002. A caschun dalla seduta dils 01-09-2003 ha il cussegl da vischnaunca tractau la fatschenta ed elegiu ina cumissiun predeliberonta.

La cumissiun predeliberonta ei seconstituída, ei semessa vid la lavur e ha informau il cussegl da vischnaunca ils 19-12-2005 davart il stan dallas lavurs.

En la cumissiun predeliberonta ha ei dau differentas midadas. Dalla formaziun elegida igl onn 2003 fan neginas persunas pli part da quella cumissiun. L’entschatta digl onn 2012 ha gerau Toni Pfister surpriu il presidi dalla cumissiun predeliberonta. Ensemen cun ils commembers Lucas Arpagaus, Mattias Cadruvi, Erwin Degonda, Benedetg Simeon e Lotar Tomaschett ei il sboz ch’era vegnius preparaus vegnius surluvraus ed adattaus. El decuors dil meins da november 2012 ha la suprastanza communal tractau quella fatschenta, fatg entginas amplificaziuns e preparau la fatschenta per mauns dil cussegl da vischnaunca.

Il cussegl vegn plinavon informaus ch’ei hagi dau igl onn 2010 dus recuors enviars ils quens ch’ein vegni tschentai sin fundament dalla valur nova dils baghetgs. La Dertgira Administrativa dil cantun Grischun ha cun datum digl empren da fevrer 2011 dau la

sentenzia. La decisiun ei vegnida communicada ils 27 da fenadur 2011 allas partidas. La decisiun dalla dertgira ei stada clara. Ils recurrents han survegniu raschun e la dertgira ha incaricau la vischnaunca da procurar per ina lescha communal che po satisfar alla lescha surordinada. La dertgira declara en sia decisiun che taxas periodicas che vegnien quitadas cun risguardar sulettamein la valur digl object seigien tenor decisiun dalla dertgira federala buca cumpatiblas cun igl art. 60 LCPA. Ina regulaziun sco quei ch'ella vegn applicada a Trun cunterfa al pricipi dil caschunader.

Sin fundament da quella clara decisiun ha la cumissiun predeliberonta sclariu il fatg minuziusamen e surpriu la lescha da muster ch'il cantun ha elaborau sco basa fundamentala per las vischnauncas. Quella lescha preveda ina taxa fundamentala annuala e taxas annualas da consum dad objects colligiai. En il regulativ che vala sco annexa dalla lescha han las vischnauncas spazzi da fixar la taxa annuala fundamentala che cuviera 50-75% dils cuosts ed ina taxa annuala da consum che cuviera 50-25% dils cuosts. Las instanzas communalas ein libras da fixar il pertschien dalla taxa fundamentala e dalla taxa da consum e quei a norma dalla basa fixada.

Igl ei pia absolutamein necessari da far ina revisiun totala dalla lescha davart igl allontanament e la purificaziun dallas auas.

Il cussegl da vischnaunca repassa mintgamai ils artechels, fa discussiun en caussa e selai informai dils divers detagls.

Cun 10 : 1 vuschs propona il cussegl per mauns dalla votaziun all'urna d'approbar la lescha per igl allontanament e la purificaziun dallas auas.

Sco annexa dalla lescha basegna ei il regulativ da taxas. Quei regulativ fixescha sut artechel 1 la taxa da colligiaziun che sebase sin igl artechel 27 dalla lescha e vegn incassada tier baghetgs novs e tier renovaziuns da baghetgs.

Igl artechel 2 fixescha las taxas annualas tenor ils artechels 31,32,33 e 34 dalla lescha. Sut punct 2.1 vegnan ils detagls dalla taxa annuala fixai e sut punct 2.2 la taxa da consum. El punct 3 ein ils cuosts per l'affitaziun dils dumbraders fixai. Per sempels dumbraders vegn quintau cun in tscheins annual da frs. 30.00, per auters dumbraders denter frs. 50.00 e frs. 200.00.

Il cussegl repassa ils detagls e selai informar davart il sistem dalla taxaziun.

Cun 10 : 0 vuschs propona il cussegl per mauns dalla votaziun all'urna d'approbar il regulativ da taxas tier la lescha davart igl allontanament e la purificaziun dallas auas.

Tractanda 4

Verificaziun dil resultat dalla votaziun communal dils 25 da november 2012

Cusseglie Flurin Decurtins declara ch'el, Rico Schwarz e David Tiri hagien sco commembers dalla cumissiun per verificaziun da votaziuns communalas controllau il resultat dalla votaziun communal dils 25-11-2012 "Revisiun parziala dalla planisaziun locala" ed anflau tut en uorden. Flurin Decurtins propona da verificar il resultat publicau.

En votaziun unanima verificescha il cussegl il resultat publicau dalla votaziun dils 25 da november 2012

Tractanda 5

Pusseivladad da tschentar damondas

Dalla pusseivladad da tschentar damondas vegn fatg diever.

Plinavon prendan ils commembers dalla suprastanza la caschun da rispunder allas petentas ed als petents sin las damondas tschentadas tier il davos cussegl da vischnaunca.

Il president dil cussegl Donat Albin engrazia als responsabels dalla fracziun da Schlans che han orgnisau las localitads per la seduta campestra dil cussegl da vischnaunca.

Per il cussegl da vischnaunca

Il president
Donat Albin

Igl actuar
Plazi Decurtins